



De renfiets

We hadde good en waal, 't aanwerk geinak, van eine lange werme zomer, dao vînd mien vruujke, det 't beerbuukske baove mien zwumbôks, maar ens aafgebouwd meus waere.

Ik kreeg unne renfiets, zônne echte, met 36 versnellinge, en met ein zaal, det miër op zôn middeliëws martelwerktuug leek, en.. echte laere reemkes aan de pedale um de schoon aan vas te make. Wie ik mich toen , in zôn strak blinkend bôks met liefkes pak had gepers, veulde ik mich net ein piépwors die reklame mak veur ein of ander hõndevuur.

Zoë oétgedors, met de bôtteramme onder d'n draeger, bin ik iërs ens wat gaon oefene op de hei beej de kogel vengers,

Maar det is net ofse weer opnie môs liëre laupe, in 't begin waas 't puur geknômmel, maar.. gaondeweg ging 't,, aafgezeen van de pien aan mien achterwange, toch waal steeds baeter.

Beej ühlingshei, kreeg ik d'r al ein bietje plezeer in, en in 't tegels brook, fietsde ik van gruütsigheid,al haos naeve mien schoon. Noow waas 't õnderhand d'n tiéd, det ik altiéd met mien vrinde op de parade zoot, um ein paar alkohohische versnaperinge te nuttige Ik doch;dao gaon ik haer, ik zal die ens ein puupke laote ruuke

Ik vloog met zôn rotvaart euver de kasseije van de kerkstraot, det mich de ertjes met wörtelkes van de iërste kemmunie nog nao baove kwaame, en wie ik beej niza d'n hook um kwaam, rääkelde en rammelde ik van binne, wie einen trabant van boéte.

Maar, alle terasse op de parade zoote vol met minse, die hiel aafgunstig nao miene renfiets zoote te kiéke. Alle auge ware gerich op kwatta, wie ik hiel zwierig van miene fiets woel springe, maar,, ik waas vergaete, die reempkes um mien schoon los te make, dao loog ik, zoë lank wie ik gewasse bin, met ein gaat in de kop wao eine pöter in pas.

't waas net of d'r in de koel ein gool waas gevalle, zoë bölderde de ganse parade van 't lache. Miene renfiets stõnd sanderdaags beej de klok advertenties. stôm hè.

Wiel Hermans venlo